

Résumé

KHUTBAH JUMMAH

PAR LAJNA IMA'ILLAH ILE MAURICE

Pour tous commentaires ek suggestions, envoye nous ène email à l'adresse
ishaatlajnamu@gmail.com

SOMMAIRE


Abu Bakr,
meilleur des
compagnons 02

Véracité et piété
exemplaires
d'Abu Bakr 03

Comment faire
des prières
efficaces ? 04

L'unicité de
Dieu et le devoir
des musulmans 05

Hamza,
le lion d'Allah 06



Huzur (aba) dire ki Hazrat Abu Bakr (ra) ti considéré couma meilleur dans tous banne peuple. Hazrat Abu Bakr (ra) ti extrêmement humble et li ti aussi parmi banne Compagnons ki ti mémorise le Quran en entier. Le Musleh Maoud (ra) finne dire ki bannes grands les rois et bannes dirigeants rappel bien la vie de Hazrat Abu Bakr (ra), Hazrat Umar (ra) et Hazrat Abu Hurairah (ra) et kan sa bannes les rois la prononce zot noms, zot dire « Ki Allah sois content de zot ».

Hazrat Musleh Maoud (ra) finne aussi dire ki tout comme le Saint Prophète (saw) jamais li pas finne convoite le leadership, kumsa meme bannes Khulafa-e-Rashideen finne suivre li. Zot finne amen ene lavie bien simple. Toute forme de leadership ki zot ti kapave ena ti vini depi Allah même. Huzur (aba) continuer et li dire ki Hazrat Musleh Maoud (ra) fine dire ki Hazrat Abu Bakr (ra) ena ene grand statut azordi aköz sa banne grand services et sacrifices ki li finne faire. Pena aucun le roi et aucun leader azordi ki ena ene tel rang et honneur ki Hazrat Abu Bakr (ra) posséder.

Ensuite Huzur (aba) finne présente ene extrait du Messie Promis (as) kot li pe dire ki Hazrat Abu Bakr (ra) ti possède tous bannes qualités ki nécessaire pou recevoir la lumière divine. Et aköz sa même ki aussitôt ki li finne tende le message du Saint Prophète (saw), li finne accepter sans aucun hésitation. Li finne dévouer li même complètement à Allah et li finne participe dan tous bannes batailles à côté du Saint Prophète (saw). Et même après so la mort, li finne être enterrer à côté du St Prophète (saw) et donc même dans so lavie et dans so la mort, li pas finne quitte le St Prophète (saw).

Huzur (aba) finne présente ene premier extrait kot Hazrat Massih Maoud (as) finne dire ki durant le Khilafat de Hazrat Abu Bakr (ra) et de Hazrat Umar (ra), l'Islam finne gagne banne grand victoires. Dans ene lot extrait, le Messie Promis (as) dire ki Hazrat Abu Bakr (ra) ti ena l'habitude faire duah avec beaucoup ferveur et li ti dédier li même complètement à Allah. En fait, li ti possède plusieurs banne qualités ki banne les autres prophètes ti posséder.

Huzur (aba) finne présente ene lot extrait du Messie Promis (as) kot li pé dire ki péna aukene lot Compagnon apart Hazrat Abu Bakr (ra) ki ti recevoir le titre de Siddiq – Le Véridique. Pas ti ena personne pli proche avec le Saint Prophète (saw) ki Hazrat Abu Bakr (ra). Le fait ki le Saint Prophète (saw) finne choisir Hazrat Abu Bakr (ra) couma so Compagnon le plus proche et pou accompagne li dans so banne moments plus difficile, sa meme ene preuve et ene témoignage ki li ti le Siddiq (Véridique). Allah pas laisse aukène vertu sans récompense et Hazrat Abu Bakr (ra) so niveau de vertu ti tel ki Allah finne élève li au rang de Calife.

Ensuite, Hazrat Massih Maoud (as) dire ki Allah finne promette l'établissement du Khilafat dans Quran et sa pou change l'état de peur de banne musulmans en paix et sécurité. Apres le décès du Saint Prophete (saw), c'est Hazrat Abu Bakr (ra) ki finne met ene fin a ban rébellions, ban dissension et ban révoltes. Hazrat Massih Maoud (as) finne dire ki Hazrat Abu Bakr (ra) ti couma l'ombrage du Saint Prophète (saw) dans so banne qualités morales et li ti éna ene connection permanent avec Rasouloullah (saw). Huzur (aba) finne dire ki c'est Hazrat Abu Bakr (ra) ki ti dévouer li même complètement a Allah et a so Messenger.

16.12.22

Huzur (aba) dire ki beaucoup dimounes remettre duah et Bondié même en question. En fait, li parette ki ena banne attaque organisé contre Bondié par ban athéiste. Ene dimoune bizin faire so propre analyse et geter a ki point li pé réussi accompli banne droits d'Allah et ki niveau so adoration eter. Huzur (aba) finne présente ene extrait kot Hazrat Massih Maoud (as) pé dire ki c'est grace a la pitié d'Allah ki ene dimoune li éprouve la crainte kan li dans le confort tout comme li éprouve la crainte kan li dans tracas.

Nous bizin évoque banne attributs d'Allah et faire So éloges dans Surah Fatiha. Nous appel li Celui ki mérite tous banne louanges, Al Rahman (le Gracieux) et Al Rahim (le Miséricordieux). En plus, nous appelle Allah le Maître du Jour du Jugement parski c'est Li meme ki pou le Juge sa jour la. Huzur (aba) dire ki sa c'est banne principes et étiquettes de duah ki nous bizin garde en tête quand nous pé faire namaz. Malheureusement, beaucoup banne dimounes ignore totalement philosophie de duah. Pou ki ene dimoune so duah atteindre so l'objectif, sa dimoune la bizin montrer patience et persévérance et faudrait pas ki li faire bad zani (ena penser negatif) lor Allah. Le Messie Promis (as) dire ki ene dimoune bisin contine faire dua pendant ene longue moment ensuite Allah manifester Li-même a sa dimoune-la.

Ensuite Huzur (aba) finne cite ene extrait du Messie Promis (as) ki dire ki kan faire dua, bisin ena ene connection entre le corps et l'âme. Si ene dimoune faire semblant pleurer, be arrive ene moment li pou vraiment vinne émotionnel. Li même cas pou dua aussi. Si nous le corps montrer humilité kan pe faire supplications, be lera nous l'âme aussi pou adopter même l'esprit d'humilité

- 23.12.22

Huzur (aba) finne présente ene extrait kot le Messie Promis (as) pé expliquer ki but ena derriere établissement de sa Jama'at la. Le Messie Promis (as) dire ki sa l'époque ki nous pé vivre la li bien béni. Dans sa banne jours la, Allah finne décide pou aide le Saint Prophète (saw) en établissant sa nouveau Jama'at la. C'est responsabilité de banne ki finne accepter le Messie Promis (as) pou faire zot propre réforme mais aussi pou envoie Durood lor le Saint Prophète (saw). Le Messie Promis (as) finne élabore lor but de so venue et li finne dire ki finne envoie li pou ré-établi l'honneur et la grandeur de Nabi Kareem (saw) et pou établi la véracité du Saint Coran dans le monde.

Ensuite Huzur (aba) finne présente ene lot extrait kot le Messie Promis (as) finne dire ki zis accepter li pas assez ditou. Banne ki faire zefforts pou rode Allah avec la crainte et la droiture, ça ban dimoune la zot témoigne de l'accomplissement d'Allah so promesse. Beaucoup dimounes accepter sa Jama'at la zis pou zot banne buts personnels. Banne tel dimounes, même si zot prend le Bai'at zot fini par égarer. Sa Jama'at la li pou banne ki blier zot même et zot bane désirs complètement et zot seul but c'est établi l'Unicité d'Allah dans zot le cœur.

Afin ki nous content Allah et gagne So plaisir, nous bizin aussi content et honore celui ki Li ti plis content, c'est-à-dire Hazrat Muhammad Mustapha (saw). Ene bon action c'est ene tel action ki pas cause du tort dans aukene façon a ene lot dimoune. Tant ki pena bon action, zis la croyance pas servi naryer. Huzur (aba) finne faire duah ki tous banne Ahmadi réussi accompli sa banne objectifs ki le Messie Promis (as) finne établi pou nou la.

Huzur (aba) dire ki li pou mentionne Hazrat Hamzah (ra). Li ti le chacha du Saint Prophète (saw) et ti ena buku valeur dans so lizier. Hazrat Hamzah ti aussi connu kuma Abu Ammarah parski li ti ena ene tifi ki ti appel Ammarah ki li ti gagner dépi so deuxieme mariage avec so madame Khaulah.


Huzur (aba) finne dire ki initialement, Hazrat Hamzah (ra) ti finne accepter l'Islam dans ene moment de colère et par la suite, li finne ena regret ki li finne abandonne religion de so banne ancetres. Li pas finne réussi gagne someil asoir et donc, li finne alle Ka'bah et li finne prier pou ki so banne doute dissiper. Li ti encore pé faire duah kan li finne ressenti ene trankilité dans so le cœur et so banne doute ine disparaître. Li finne donc alle cotte le Saint Prophète (saw) et li finne raconte li sa incident la. Kan Rasouloullah (saw) finne tende sa, li finne faire duah pou ki Allah donne Hamzah (ra) la fermeté.

Huzur (aba) dire ki au début de la bataille de Badr, ban Quraish finne initier banne combat en solo et le Saint Prophète (saw) finne envoie Hazrat Hamzah (ra), Hazrat Ali (ra) et Hazrat Ubaidah (ra). Hazrat Hamzah et Hazrat Ali finne gagne le dessus facilement lor zot adversaire mais Hazrat Ubaidah (ra) ti finne etre grièvement bléssé et li finne succombe a so banne bléssure lor chemin de retour.

Huzur (aba) dire ki Hazrat Hamzah (ra) finne tombe en martyr pendant Bataille Uhud et le Saint Prophète (saw) ti finne fini gagne nouvelle ki sa pou arriver avant même.

Huzur (aba) finne dire ki la nouvelle année pé commencer dans deux jours et bizin faire beaucoup duah pou le monde afin ki Allah sappe le monde dépi la guerre.

**Nous encourage tous ban Lajna et Nasirat
pou suivre Khutba Jummah en direct lor ban
chaines de la MTA**



Click lor ban link en bas pou accéder directement

<http://www.mta.tv/live>

ou

<http://www.mta.tv/live-audio-only>

ou pou Android app

**[https://play.google.com/store/apps/details?
id=tv.mta.apps.muslimtv](https://play.google.com/store/apps/details?id=tv.mta.apps.muslimtv)**

ou pou iPhone app

**[https://apps.apple.com/us/app/mta-
international/id942619881](https://apps.apple.com/us/app/mta-international/id942619881)**

